

ԳՅՈՒԼԱԳԱՐԱԿ ՀԱՄԱՅՆՔԻ ՀՆԳԱՄՅԱ ԶԱՐԳԱՑՄԱՆ ԾՐԱԳՐԻ ՀԱՇՎԵՏՎՈՒԹՅՈՒՆ 2021 Թ-Ի ԿՏՐՎԱԾՔՈՎ

Գյուլագարակ համայնքի հնգամյա զարգացման ծրագիրը կազմված է 9 ծրագրերից, որոնք ունեն ծրագրային անձնագրեր: Այդ ծրագրերի մեծ մասը ունեն շարունակական բնույթ: 2021թ-ի ընթացքում հնարավոր է եղել հասնել արդյունքների:

Ծրագրի 1: Գյուլագարակ համայնքի կոմունալ ծառայություն: Ծրագրի նախնական բյուջեն եղել է 166 մլն դրամ: 2021 թվականին հարթեցվել են համայնքային և դաշտամիջյան մեծ քանակությամբ ճանապարհներ: Թե տեխնիկայով, թե մարդկային գործոնի ներդրմամբ կատարվել են սանիտարական մաքրման ծավալուն աշխատանքներ: Աղբահանությունն իրականացվում է նոր որակով: Ծրագիրն ունի շարունակական բնույթ և առաջ է շարժվում կանխատեսած մեծ հաջողություններով: 2022 թվականին Գյուլագարակ համայնքի բյուջեով նախատեսվում է ձեռքբերել 40 նոր աղբամաններ:

Ծրագրի 2: Գյուլագարակ համայնքի գիշերային լուսավորություն: Ծրագրի նախնական բյուջեն եղել է 28 մլն դրամ: 2021 թվականին համայնքի 7 բնակավայրերում տեղադրվել են 32 լուսատուներ: Բոլոր բնակավայրերում էներգախայողությունը բարձրացնելու համար հին լուսատուների մեծ մասը փոխարինվել են նորերով: Գյուլագարակի համայնքապետարանի տանիքին սուրվենցիոն ծրագրով տեղադրվել է 10 կվտ հզորությամբ արևային կայան, ինչը հնարավորություն է տալիս տարեկան 12000 կվտ էներգիայի խնայողություն: 2021 թվականին <<Վարդաբլուր համայնք>> հիմնադրամի աջակցությամբ Վարդաբլուր բնակավայրի մշակույթի տանիքին տեղադրվել է 10 կվտ հզորությամբ արևային կայան: 2022 թվականին միայն սուրվենցիոն ծրագրով համայնքի բոլոր բնակավայրերում նախատեսվում է շուրջ 315 նոր սյուների և լուսատուների տեղադրում:

Ծրագրի 3: Զուր Գարգառին: Ծրագրի բյուջեն նախնական եղել է 13 մլն դրամ: 2021թ-ին կատարվել են ընթացիկ նորոգման աշխատանքներ: 2021 թ-ին աշխատանքները գրեթե ավարտվել են:

Ծրագրի 4: Զբոսայգիների կառուցում: Ծրագրի նախնական բյուջեն եղել է 1.7 մլն դրամ: 2021 թվականին բարեկարգվել է Գյուլագարակ բնակավայրի հուշայգին: 2022 թվականին նախատեսվում է համայնքի բոլոր բնակավայրերում բարեկարգել զբոսայիգները, ինչպես նաև հուշաքարերի համար ապահովել անհատական լուսավորություն:

Ծրագրի 5: Համայնքի ճանապարհների բարեկարգում և ասֆալտապատում: Ծրագրի նախնական բյուջեն եղել է 40 մլն դրամ: 2021թ-ին համայնքի բոլոր բնակավայրերում կատարվել է գրունտային ճանապարհների նորոգման լայնածավալ աշխատանքներ: 2021 թ-ին իրականացվել է համայնքային ճանապարհների ասֆալտապատման և սալարկման մեծ աշխատանքներ: Ասֆալտապատման և սալարկման աշխատանքները կատարվել են

Ամրակից, Գյուլագարակ, Կուրթան, Հոբարձի և Գարգառ բնակավայրերում Գյուլագարակ համայնքի 2021 թվականի սուբենցիոն ծրագրի շրջանակում:

Ծրագիր 6: Կուրթանի և Վարդաբլուրի մշակույթի տների վերանորոգում: Ծրագրի նախնական բյուջեն եղել է 22 մլն դրամ: Կուրթանի մշակույթի տան վերանորոգումը ավարտվել է 2019թ-ին: 2021 թվականին սենյակային վերանորոգումներ են տեղի ունեցել Կուրթանի մշակույթի տանը, վերանորոգված և ձևավոխված սենյակները կծառայեն որպես Կուրթան գյուղի ազգագրական թանգարան: 2022 թվականին ՏԶՀ-ի ֆինանսավորմամբ Կուրթան բնակավայրի մշակույթի տան տանիքին նախատեսվում է տեղադրել 40 կվտ հզորությամբ արևային կայան: Դեռևս կան բազմաթիվ անելիքներ, Կուրթան բնակավայրի մշակույթի տունը ունի գույքի ամբողջական համալրման կարիք: Վարդաբլուրի մշակույթի տան վերջնական սպասելի արդյունք ունենալու համար դեռևս կան անելիքներ թե գույքի ամբողջական ձեռքբերման թե սենյակային վերանորոգման մասերով: 2022 թվականին նախատեսվում է դոնոր կազմակարպությունների և հիմնադրամների ներգրավվածությամբ հասնել մեծ և շոշափելի արդյունքների:

Ծրագիր 7: Եկեղեցիների նորոգում: Ծրագրի նախնական բյուջեն եղել է 10 մլն դրամ: 2021թ-ի բյուջեով ֆինանսական միջոցներ չեն առանձնացվել նշված ծրագրի համար: 2022 թվականին անհատ բարերարների միջոցով նախատեսվում է վերանորոգել Ամրակից բնակավայրում գտնվող Սուրբ Նիկողայոս եկեղեցին:

Ծրագիր 8: Սպորտհրապարակների կառուցում: Ծրագրի բյուջեն 6մլն դրամ է: 2020 թ-ին ՀՖՖ-ի միջոցներով Կուրթան բնակավայրում կառուցվել է նոր ֆուտբոլի դաշտ՝ 10 միլիոն դրամ արժողությամբ: 2022 թվականին համայնքի կամ անհատ բարերարների միջոցներով նախատեսվում է ապահովել գիշերային լուսավորություն:

Ծրագիր 9: Անասնապահություն խթանում և արոտավայրերի բարեկարգում: Ծրագրի նախնական բյուջեն եղել է 6 մլն դրամ: 2021 թվականի հոկտեմբերին նախնական պայմանավորվածություն է ձեռքբերվել Շեն բարեգործական հիմնադրամի հետ: Ծրագրով նախատեսվում է բարելավել համայնքում գտնվող արոտները (շուրջ 20 հա արոտավայրերում կիրականացվի հողի ֆոեզ բազմամյա խոտերի ցանք), ինչպես նաև վարելահող ունեցող համայնքի մի խումբ բնակիչներ ովքեր զբաղվում են գյուղատնտեսությամբ և անասնապահությամբ իրենց կողմից 30% համաֆինանսավորմամբ ծրագրի իրականացման արդյունքում հնարավորություն կունենան ունենալ մշակված և պարարտացված 0.5 հա և ավելի տարածքներում կորնգանի ցանքատարածություն: 2022 թվականին կունենանք նկատելի արդյունքներ: Ծրագրիրը ֆինանսավորվում է Գերմանիայի միջազգային համագործակցության կողմից, իրականացվում է Շեն բարեգործական հիմնադրամի կողմից՝ Էկոնոմիկայի նախարարության հետ սերտ համագործակցությամբ: 2021 թվականին ՄԱԿ-ի պարենի և գյուղատնտեսության կազմակերպությունը Եվրոպական միության ֆինանսավորմամբ Գյուլագարակ համայնքի 67 շահառու ընտանիքներ ստացան անասունների և թռչունների համար խոտ և համակցված կեր: 2022 թվականին գյուղատնտեսական մեծածավալ ծրագրեր են նախատեսվում <<Տեղական դերակատարների զորեղացում հանուն զարգացման Լոռու և Տավուշի մարզերում>> ծրագրի շրջանակներում, որը ֆինանսավորվելու է Եվրոպական Միության կողմից: